

## ՄԵԿՆԱՐԿԵՑ ՆՈՐ ՈՒՍՈՒՄՆԱԿԱՆ ՏԱՐԻՆ

### ՇՆՈՐՀԱՎՈՐԱՆՔՆԵՐ՝ ՈՒՍՈՒՄՆԱԿԱՆ ՏԱՐԿԱ ՄԵԿՆԱՐԿԻ ԱՌԹԻՎ



Վրաստանի վարչապետ Իրակլի Դարիբաշվիլին Վրաստանի աշակերտներին, ծնողներին եւ մանկավարժներին շնորհավորեց նոր ուսումնական տարվա մեկնարկի առթիվ:

Մի նախագահ Գիորգի Մարգվելաշվիլին: «Այսօրվանից հազարավոր երեխաներ, երիտասարդներ ու մանկավարժներ նորացված էներգիայով եւ տրամադրվածությամբ ձեռնամուխ կլինեն գիտության յուրացման ու խորացման ամենօրյա գործունեությանը: Սկսվում է նոր փորձարկումների եւ նոր բարեկամների ձեռքբերման ժամանակահատվածը: Առանձնապես ցանկանում եմ շնորհավորել այն երեխաներին, ովքեր առաջին անգամ բացեցին դպրոցների եւ բուհերի դռները»,- ասված է նախագահի շնորհավորական ուղերձում:

(խորագրի շարունակությունը՝ 4-5-րդ էջում)

Սեպտեմբերի 15-ին վարչապետը, կրթության նախարար Թամար Սանիկիձեի եւ Թբիլիսիի քաղաքապետ Դավիթ Նարամանիայի հետ, այցելեց Թբիլիսիի թիվ 133 հանրային դպրոց:

Նոր ուսումնական տարվա կապակցությամբ աշակերտներին, ուսանողներին, ծնողներին եւ մանկավարժներին շնորհավորեց նաեւ Վրաստանի

## ԱՅՑ

### ՀՈՒՄԻ ՊԱՊԸ ՀՐԱՎԻՐՎԵՑ ՎՐԱՍՏԱՆ

#### ՎԱՏԻԿԱՆԻ ԱԳ ՆԱԽԱՐԱՐ, ԱՐՔԵՊԻՍԿՈՊՈՍ ԴՈՄԻՆԻԿ ՄԱՍԲԵՐՏԻ ՊԱՇՏՈՆԱԿԱՆ ԱՅՅՈՒՆ ՎՐԱՍՏԱՆ

Պաշտոնական այցով Վրաստանում է գտնվում Վատիկանի արտաքին գործերի նախարար, արքեպիսկոպոս Դոմինիկ Մասբերտը:

Այցի շրջանակներում, Վատիկանի ներկայացուցչին ընդունեցին Վրաստանի նախագահ Գիորգի Մարգվելաշվիլին, վարչապետ Իրակլի Դարիբաշվիլին:

Համայն Վրաստանի Կաթողիկոս-Պատրիարք Իլիա Երկրորդի եւ Վատիկանի ներկայացուցչի հանդիպմանն առանձնակի ընդգծվեց երկու եկեղեցիների միջեւ ավանդական կապերի խորացման անհրաժեշտությունը:

Վրաստանի աշխարհիկ իշխանության ներկայացուցչների հետ հանդիպմանը կողմերը քննարկեցին Վրաստանի եւ Վատիկանի երկկողմ հարաբերությունների հետ կապված հարցերը: Վրաստանի նախագահ Գիորգի Մարգվելաշվիլին Հռոմի Պապ Ֆրանցիսկ Առաջինին հրավիրեց այցելել Վրաստան:

## ՀԱՆԴԻՊՈՒՄ

### ՔՆՆԱՐԿՎԵՑԻՆ ՀԱՄԱԳՈՐԾԱԿՑՈՒԹՅԱՆ ԾՐԱՐԻՆ ԱՌՆՉՎՈՂ ՀԱՐՑԵՐ



Վրաստանի նախագահ Գիորգի Մարգվելաշվիլին հանդիպում ունեցավ աշխատանքային այցով Թբիլիսիում գտնվող արտաքին անվտանգության եւ ճգնաժամերի կառավարման ոլորտում Մեծ Բրիտանիայի կառավարության խորհրդական, գեներալ Գարրի Ջոնսոնի հետ:

Հանդիպմանը կողմերը քննարկեցին Ուելսում ՆԱՏՕ-ի գազաբաժողովին ալյանսի հետ Վրաստանի համագործակցության խորացմանն ուղղված ծրարի հետ առնչվող հարցեր:

Նախագահը խոսեց նաեւ Վրաստանի եւ Մեծ Բրիտանիայի միջեւ երկկողմ գործընկերային հարաբերությունների մասին:

Կողմերը քննարկեցին նաեւ տարածաշրջանում ստեղծված իրավիճակը:

## ՕՐԵՆՄԴՐԱԿԱՆ ՆԱԽԱՁԵՆՈՒԹՅՈՒՆ

### ԽԱՏԱՑՎՈՒՄ ԵՆ ՇՐՋԱԿԱ ՄԻՋԱՎԱՅՐԻ ԱՂՏՈՏՄԱՆ ՀԱՄԱՐ ՊԱՏԺԱՄԻՋՈՑՆԵՐԸ

Վրաստանի կառավարության հերթական նիստում, վարչապետ Իրակլի Դարիբաշվիլին հայտարարեց շրջակա միջավայրի աղտոտման համար վարչական պատժամիջոցների եւ տուգանքների առավելագույն խստացման մասին:



Նրա խոսքերով, խորհրդարանի քննարկմանը կներկայացվի բնապահպանության նախարարության կողմից մշակված օրինամանապահօրը: Ինչ-

(Շարունակությունը՝ 2-րդ էջում)

## ՀԱՅԱՍՏԱՆ

### ՎԱՊԸ ՀԱՅԱՍՏԱՆԵՆ ՈՒ ՀԱՄԱՅՆ ՀԱՅՈՒԹՅՈՒՆԸ ՏՈՆՈՒՄ Է ԱՆԿԱՆՈՒԹՅԱՆ 23-ՐԴ ՏԱՐԵՂԱՐՁԸ ՇՆՈՐՀԱՎՈՐՈՒՄ ԵՆՔ

Ըստ ավանդության, այդ օրը Հայաստանի ղեկավարները, քաղաքական կուսակցությունների ու երկրի հանրության ներկայացուցիչները կայցելեն Եռաբլուրի պանթեոն, որտեղ ծաղկեպսակներ կդնեն դարաբայան պատերազմում զոհված մարտիկների շիրիմներին:



Նշանավոր օրվա առթիվ ամբողջ երկրում կկանցկացվեն հանդիսավոր միջոցառումներ, տոնական համերգներ, ցուցահանդեսներ: Տոնական օրը կավարտվի հրավառությամբ, Հանրապետության հրապարակում:

Հայաստանի նախագահ Սերժ Սարգսյանը ամեն տարվա նման լայնամասշտաբ ընդունելություն է կազմակերպելու, որին հրավիրված են շուրջ հազար հանրային, քաղաքական, մշակութային գործիչներ:

Ի տարբերություն նախորդ տարիների, այս տարի տոնական միջոցառումների շրջանակում ռազմական շքերթ չի նախատեսվում:

### ԵՐԵՎԱՆՈՒՄ ՄԵԿՆԱՐԿԵՑ «ՀԱՅԱՍՏԱՆ-ՍՓՅՈՒՌՔ» ՀԻՆՔԵՐՈՐԴ ՀԱՄԱԺՈՂՎԸ

Երեկ՝ սեպտեմբերի 19-ին, Երեւանի Ալեքսանդր Սպենդիարյանի անվան օպերայի ու բալետի ազգային ակադեմիական թատրոնում մեկնարկեց «Հայաստան-Սփյուռք» հիմնադրոթի համաժողովը:



Համաժողովին ներկա էին Հայաստանի վարչապետ Յուրի Աբրահամյանը, ԼՂՀ նախագահ Բակո Սահակյանը, Ն.Ա.Օ.Տ.Տ. Գարեգին Բ Ամենայն Հայոց կաթողիկոսը, Մեծի Տանն Կիլիկիո Արամ Ա Կաթողիկոսը, ՀՀ կառավարության անդամներն ու Սփյուռքի գրեթե 1000 կառույցների ներկայացուցիչներ, այդ թվում՝ եւ Թբիլիսիի ու Վրաստանի հայաբնակ տարբեր տարածաշրջանների 50-ից ավելի պատգամավորներ:

Բացելով համաժողովը եւ ողջունելով ներկաներին՝ վարչապետ Յուրի Աբրահամյանը նշեց, որ անչափ ուրախ է հանդիպել բազմաթիվ ռուս Սփյուռքի հայկական կառույցների ղեկավարներին եւ համայնքային պատվիրակներին:

Համաժողովի բացման առիթով ելույթ ունեցան եւ ներկաներին ողջունեցին նաեւ Ն.Ա.Օ.Տ.Տ. Գարեգին Բ Ամենայն Հայոց կաթողիկոսը, Մեծի Տանն Կիլիկիո Արամ Ա Կաթողիկոսը, ԼՂՀ նախագահ Բակո Սահակյանը, Հայաստանի Սփյուռքի նախարար Հրանուշ Հակոբյանը եւ ուրիշներ:

Համաժողովը շարունակվում է իր աշխատանքը:

### ՊԱՅՄԱՆԱՎՈՐՎԱԾՈՒԹՅՈՒՆ ՆԱԽԱԳԱՀԻ ԽՈՐՀՐԴԱԿԱՆԸ ՀԱՆԳԻՊԵՑ ԹԲԻԼԻՍԻ ՀԱՅԿԱԿԱՆ ԵՎ ԱՐԲԵՋԱՆԱԿԱՆ ԹԱՏՐՈՆՆԵՐԻ ԴԵԿԱՎԱՐՆԵՐԻ ՀԵՏ

Սեպտեմբերի 17-ին Վրաստանի նախագահի ազգամիջյան հարաբերությունների հարցերով խորհրդական Առֆյա Շամանիդին հանդիպում ունեցավ Թբիլիսիի հայկական եւ արդբեջանական թատրոնների ղեկավարներ Արմեն Բայանդուրյանի եւ Ջուրաբ Սիխարուկիձեի հետ:



Հանդիպմանը կողմերը քննարկեցին թատրոնների վիճակը: Արդեն մի քանի տարի է, ինչ Վրաստանի մայրաքաղաքի հայկական եւ արդբեջանական պետական դրամատիկական թատրոնների շենքերը վթարային վիճակում են, ինչը արգելակում է մշակութային օջախների լիարժեք գործունեությունը: Նախագահի խորհրդականը եւ թատրոնների գեղարվեստական ղեկավարները պայմանավորվեցին սերտ համագործակցությամբ կարգավորել վերոնշյալ հիմնախնդիրը:

ՕՐԵՆԱԴՐԱԿԱՆ ՆԱԽԱԶԵՆՈՒԹՅՈՒՆ

ԽՍՏԱՅՎՈՒՄ ԵՆ ՇՐՋԱԿԱ ՄԻՋԱՎԱՅՐԻ ԱՂՏՈՏՄԱՆ ՀԱՄԱՐ ՊԱՏՄԱՄԻՋՈՅՆԵՐԸ


(Սկզբը՝ 1-ին էջում)

պես նշեց վարչապետը, տարիներ շարունակ մշակված չի գործել կենցաղային և վերանշակման արդյունաբերության աղբի դուրսբերման հետ կապված կոմպլեքսային մոտեցու-

մը: «Ցավոք, քաղաքացիներն աղտոտում են այն վայրերը, որտեղ աղբ թափել չի կարելի: Նախարարության կողմից մշակված օրինադրագծի համաձայն, առավելագույն կիսատացվեն վարչական պատժամիջոցներն ու տուգանքները»,-

հայտարարեց Իրակլի Ղարիբաշվիլին: Իր հերթին, Վրաստանի բնապահպանության փոխնախարար Մայա Բիտաձեն հայտարարեց, որ վերոնշյալ օրինադրագծի շուրջ աշխատանքներն սկսվել են երկու ամիս

առաջ: «Ինչ վերաբերում է պատժամիջոցներին, ապա տուգանքները կսկսվեն 20 լարիից և կավարտվեն հնգանիշ թվերով: Սակայն, սա դեռևս օրինադրագծում է, որտեղ հնարավոր է փոփոխություններ»,- հայտարարեց Մայա Բիտաձեն:



ՄԱԿ

ՄԵԿԱՆՈՒԿԵՑ ԳԼԽԱՎՈՐ ԱՍՏՐԵԼԵԱՅԻ 69-ՐԴ ՆՍԱՇՐՋԱՆԸ

ՄԱԿ-ի Նյու Յորքի կենտրոնակայանում աշխատանքն է սկսել համաշխարհային կազմակերպության Գլխավոր ասամբլեայի 69-րդ նստաշրջանը: Նրա առաջին նիստը բացել է ԳԱ-ի նախագահը՝ ուզանդացի դիվանագետ Սեն Կուտեսա Կահամբան:

ԳԱ-ի նիստին մասնակցում են ՄԱԿ-ի անդամ 193 երկրների պատվիրակները, ինչպես նաև համաշխարհային կազմակերպության Գլխավոր քարտուղար Պան Գի Մունը:

Նոր նստաշրջանի աշխատանքի առավել կարեւոր ու հագեցած փուլը կսկսվի արդեն հաջորդ շաբաթ. սեպտեմբերի 23-ին Գլխավոր ասամբլեայի շրջանակներում տեղի կունենա կլիմային միջավայրի մեկտրայա զագաթաժողովը, որը հրավիրվում է ՄԱԿ-ի Գլխավոր քարտուղարի կողմից: Հաջորդ օրը համաշխարհային կազմակերպության կենտրոնակայանում կբացվեն ամենամյա ընդհանուր քաղաքական բանավեճերը, որոնց կմասնակցեն ՄԱԿ-ի անդամ երկրների բոլոր 193 անդամները, ինչպես նաև դիտորդի կարգավիճակ ունեցող Պաղեստինը: Հիմնականում պատվիրակությունները ներկայացված կլինեն պետությունների, կառավարությունների և ԱԳ նախարարությունների ղեկավարների մակարդակով:

ՈՒԿՐԱԻՆԱ

ՄԻԱԺԱՄԱՆԱԿ ՎԱԿԵՐԱՑՐԻՆ ԱՍՈՑԻԱՑՄԱՆ ՀԱՄԱՁԱՅՆԱԳԻՐԸ

Սեպտեմբերի 16-ին Ուկրաինայի Գերագույն ռադան և Եվրախորհրդարանը վավերացրին Ուկրաինայի և Եվրամիության Ասոցիացման մասին համաձայնագիրը:

Վավերացման համաժամանակյա գործընթացը տեղի է ունեցել Կիևի և Ստրասբուրգի միջև տեսակապի ռեժիմով:

Եվրախորհրդարանում համապատասխան օրինագծի օգտին քվեարկել է 535 պատգամավոր, իսկ Գերագույն ռադայում՝ 355 ժողովրդական պատգամավոր:

Համաձայնագիրն ամբողջությամբ ուժի մեջ կմտնի ԵՄ-ի անդամ բոլոր 28 երկրների կողմից դրա վավերացումն ավարտելուց հետո: Ասոցիացման մասին համաձայնագրի կատարման մոտավոր ժամկետը տասը տարի է:

ԴՈՆԲԱՍԻՆ՝ ՀՍՏՈՒԿ ԿԱՐԳՎՎԻՃԱԿ

Ուկրաինայի Գերագույն ռադայի պատգամավորները ընդունել են Դոնբասի հատուկ կարգավիճակ տրամադրելու և Ուկրաինայի արեւելքի իրադարձությունների մասնակիցների համաձայն վերաբերյալ հանրապետության նախագահ Պյոտր Պորոշենկոյի կողմից առաջարկված օրենքները:

Դոնբասի համար հատուկ կարգավիճակի մասին օրենքի համաձայն, առաջարկվում է հատուկ կարգ սահմանել երեք տարի ժամկետով, ինչպես նաև այդ տարածաշրջաններում տեղական ընտրություններ անցկացնել դեկտեմբերի 7-ին:

Ուկրաինայի արեւելքում իրադարձությունների մասնակիցների համաձայն մասին օրենքն ամբողջությամբ է հաստատվում «հետապնդումներն ու պատիժները Դոնեցկի ու Լուգանսկի մարզերի տարածքում տեղի ունեցած իրադարձությունների մասնակիցների նկատմամբ»:

ՄԵՐՋԱՎՈՐ ԱՐԵՎԵԼԵՔ ՀԱՄԱՁԱՅՆԱԳԻՐ՝ ԳԱՋԱՅԻ ՀԱՐՑՈՎ

Իսրայելը և Պաղեստինը ՄԱԿ-ի միջնորդությամբ պայմանավորվածություն են ձեռք բերել Գազայի հատվածի վերականգնման ուղղությամբ: Այդ մասին տեղեկացրել է Մերձավոր Արեւելքի հարցով ՄԱԿ-ի հատուկ համակարգող Ռոբերտ Սերրին:

Հատուկ համակարգողը գտնում է, որ համաձայնագիրը թույլ է տալիս աշխատանքներ տանել անհրաժեշտ մասշտաբով, այդ թվում՝ Գազայի մասնավոր հատվածում:

Վերականգնողական աշխատանքների իրականացման արժեքը կազմում է 7,8 միլիարդ դոլար:



ԱԼԵՔՍԻ ՊԵՏՐԻԱՆՎԻԼԻ. «ՎՐԱՑԱԿԱՆ ԱՊՐԱՆՔՆԵՐԸ ՄՈՒՏՔ ԵՆ ԳՈՐԾՈՒՄ ԵՎՐՈՊԱԿԱՆ ՇՈՒԿԱ»

Եվրամիության հետ Ասոցիացման համաձայնագրի առանձին հատվածների կիրարկման կապակցությամբ, սեպտեմբերի 1-ից վրացական արտադրության գրեթե բոլոր ապրանքները եվրոպական շուկա մուտք են գործում առանց մաքսատուրքի:

Ըստ Եվրոպական և Եվրատլանտյան կառույցների ինտեգրման հարցերով Վրաստանի պետնախարար Ալեքսի Պետրիանովիլի հայտարարու-

թյան, վերոնշյալ գործընթացը ուժի մեջ կմտնի, եւ վրացական կողմը կբավարարի Եվրամիության ներկայացրած որոշակի պայմանները: «Սեպտեմբերի 1-ից առանց լրացուցիչ մաքսատուրքի, վրացական ապրանքները ձեւակնորեն կարող են մուտք գործել 500 միլիոնանոց

Եվրոպական շուկա: Մենք հնարավոր ամեն ինչ կանենք, որպեսզի գործարարները, արտադրողները կարճ ժամանակահատվածում թողարկվող արտադրանքի որակը հասցնեն համապատասխան մակարդակի»,- հայտարարեց Ալեքսի Պետրիանովիլին:

ՆԱԽԱԶԵՆՈՒԹՅՈՒՆ

ՄՇԱԿՎԵԼ Է ՀԱՍԱՐԱԿՈՒԹՅԱՆ ԶԱՐԳԱՑՄԱՆ ԵՐԿՈՒ ՆԱԽԱԳԻԾ

Ոչ կառավարական «Քաղաքացի» կազմակերպության ղեկավար Բիծինա Իվանիշվիլին «ՎՃիռն ապախորհրդ» թերթին տված հարցազրույցում հայտարարեց, որ իրենք մշակել են հասարակության զարգացման ուղղված սովորող և ուսանող երիտասարդության համար երկու նախագիծ:

«Դպրոցի աշակերտների համար մշակվել է բավականին լայնամասշտաբ նախագիծ, կանցկացվեն օլիմպիադաներ, կներդրվեն խրախուսման մեխանիզմներ: Նախագծի էությունն այն է, որ երեխաները հստակորեն ընկալեն, թե ինչ է նշանակում քաղաքացիական նշանակությունը, թե ինչպիսին պետք է լինի քաղաքացին և այլն: Կուսակցությունը հարցաթերթիկներ, որոնք կբաժանվեն դպրոցներում և, ըստ պատասխանների, կհայտնաբերվեն հաղթողները»,- հայտարարեց Բիծինա Իվանիշվիլին:

«Երկրորդ լայնամասշտաբ նախագիծն առնչվում է ուսանող-

ների: Այն կապված է ինքնակառավարման զարգացման և դրանում ուսանողների մասնակցության հետ: Ուսանողները կմասնակցեն տարածաշրջանային բյուջեների քննարկմանը, կներկայացնեն իրենց դիտողությունները և մշակված տարբերակները»,- ընդգծեց Բիծինա Իվանիշվիլին:



ԱՌՈՂՋԱՊԱՐՈՒԹՅՈՒՆ

ՈՉ ՄԻ ԵՐԵՒԱԿ ԶՊԵՏՔ Է ՄԱ ԱՌԱՆՑ ԲՈՒԺՄՊԱՍԱՐԿՄԱՆ



Սեպտեմբերի 13-ին Վրաստանի վարչապետ Իրակլի Ղարիբաշվիլին տիկնոջ հետ այցելեց իր իսկ նախածեռնությամբ «Համերաշխության հիմնադրամի» կողմից ֆինանսավորվող օնկոլոգիական կենտրոն, որտեղ բուժվում են մինչև 18 տարեկան երեխաներ, հանդիպում ունեցավ ուռուցքային հիվանդություններով տառապող երեխաների հետ:

պասարկման: Վարչապետը և նրա տիկինը երեխաներին առողջություն մաղթեցին և փոխանցեցին նվերներ: Օնոկոլոգի և բուժանձնակազմի հետ համդիպմանը վարչապետն ընդգծեց հասարակության աջակցությամբ վիթխարի նշանակությունը: «Մեր կողմից հիմնած համերաշխության հիմնադրամը

չառ հաջող է գործում: Հիմնադրամին արդեն միացել է շուրջ 25 հազար պետական ծառայող, որ ամսական հանգանակություններ է կատարում: Կրկին անգամ ցանկանում են կոչ անել այս բարի գործի մասնակիցներին, որպեսզի համերաշխության հիմնադրամ ներդրում կատարեն առնվազն մեկ լարի և փրկեն այս երեխաներին»,- հայտարարեց Իրակլի Ղարիբաշվիլին:

ԸՆԴԱՅՆՎՈՒՄ Է ԱՌԱՆՅ ԳԵՂԱՏՈՍՄԵՐԻ ԳԵՂՈՐԱՅԵԻ ՅՈՒՅԱԿԸ

Սեպտեմբերի 15-ից առանց դեղատոմսերի վաճառվող դեղորայքի ցուցակն ավելացվել է 781 ամվանամբ:

Ինչպես հայտարարեց առողջապահության նախարար Դավիթ Սերգեյենկոն, այս ցուցակը վերջնական չէ, եւ դրանում առաջիկայում փոփոխություններ կկատարվեն: Ոչ մի բարեփոխում անթերի չի անցնում: Յուրաքանչյուր փոփոխությանը հաջորդում է բողոք: Ներկայացված փոփոխություններն իրականացվել են դեղագործների Ասոցիացիայի առաջարկությամբ,- նշեց Դավիթ Սերգեյենկոն:

Առանց դեղատոմսերի վաճառվելիք դեղորայքի թվին են պատկանում հակավիրուսային միջոցները, օվտանոլոգիկ հիվանդությունների բուժման միջոցները, հակաբակտերիալ միջոցները, վիտամինները, մետաբոլիկ գործընթացների վրա գործող միջոցները, հեպատոպրոկտոլյալ միջոցները, կենսազենիկ խթանիչները, իմունամոդուլյատորները, հակամիգրային միջոցները:

Գեղատոմսերով վաճառվող դեղորայքի ցուցակում պահպանվել են ճնշման կարգավորման և քրոնիկական հիվանդությունների դեղերը: «Դրանց ընդգրկումն ազատ վաճառքում չի նախատեսվում, քանի որ իրականացվող սահմանափակումն իմաստը կորցնում է և կրկին կկանգնենք վտանգի առջև: Հետևաբար, ճնշման կարգավորման, ինչպես նաև քրոնիկ հիվանդությունների ծրագրավորված տե-



ական բուժման համար նախատեսված դեղորայքը կմնա այն ցուցակում, որի դեղորայքը կվաճառվի բժշկի դուրս գրված դեղատոմսով»,- հայտարարեց առողջապահության նախարարը:

ՀԱՄԱՃԱՐԱԿ. ԷԲՈԼԱՆ ԼՈՒՐՋ ՄՊԱՌՆԱԼԻՔ Է ՆԵՐԿԱՅԱՑՆՈՒՄ

Էբոլա տենդի դեմ պայքարը առնվազն 1 մլրդ դոլար է պահանջվում Էբոլա տենդի դեմ արդյունավետ պայքարելու համար: Առողջապահության համաշխարհային կազմակերպության վերջին տվյալների համաձայն, Արևմտյան Աֆրիկայում Էբոլա տենդի զոհ է դարձել առնվազն 2,5 հազար մարդ, եւս 5 հազար հոգի վարակված են: Տեմդից մահացությունը կազմում է 53 տոկոս: Վիրուսի դեմ արդյունավետ պատվաստանյութ առայժմ գոյություն չունի:

Վրաստանում Էբոլա տենդի ախտորոշման համար հսկողության տակ է գտնվում 57 մարդ: Նրանք Վրաստան են ժամանել մոտ մեկ ամիս առաջ, մեծամասամբ՝ Նիգերիայից: Այս մասին հայտնել է Հիվանդությունների և հասարակական առողջապահության վերահսկման ազգային կենտրոնի փոխտնօրեն Պաատա Իմնաձեն:

Վերջին ժամանակներս, Վրաստանում վիրուսի հայտնաբերման համար վերահսկողություն է իրականացվել 62 անձանց նկատմամբ,

այդ թվում՝ Վրաստանի մեկ քաղաքացու: 21 օր տեւող ինկուբացիոն շրջանից հետո, 5-ի մոտ Էբոլա վիրուս չի հայտնաբերվել: «Ներկա պահին վերահսկողության տակ է գտնվում 57 մարդ՝ հիմնականում ուսանողներ Նիգերիայից: Ցանկանում են մշել, որ 170 մլն բնակչություն ունեցող Նիգերիայում Էբոլա վիրուսի միայն 22 դեպք է գրանցվել», - ասաց Իմնաձեն:

Վրաստանում ներկա պահին Էբոլա վիրուսով տառապող հիվանդ չկա:

Ծաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԽՈՐՀՐԴԱՐԱՆ

ԸՆԹԱՑԻԿ ՏԱՐԿԱ ԿԻՍԱՄՅԱԿԻ ԲՅՈՒՋԵԻ ԿԱՏԱՐՈՒՄԸ ԸՆԴՈՒՆՎԵՑ Ի ԳԻՏՈՒԹՅՈՒՆ

Վրաստանի խորհրդարանի ֆինանսա-բյուջետային կոմիտեն իր հանրագումարային նիստում ի գիտություն ընդունեց 2014 թվականի առաջին կիսամյակի պետբյուջեի կատարման արդյունքները:


Հաշվետվությունը ներկայացրեց ֆինանսների փոխնախարար Գիորգի Տաբուաշվիլին: Նա պետբյուջեի կիսամյակային արդյունքները հանրագումարեց՝ ելնելով մակրոտնտեսական ցուցանիշներից, եկամուտներից, հարկերից եւ գանձատանը մնացած արդյունքից:

Մինչ այդ, ֆինանսական հաշվետվությունը քննարկվել է խորհրդարանի կոմիտեներում, մեծամասնության եւ փոքրամասնության խմբակցություններում: Եկամուտների հարցով գործնականում դիտողություններ չեն եղել, հիմնական նկատողություններն ու դիտողությունները վերաբերում էին ծախսերի հատվածին: Խորհրդարանականների կարծիքով չէին ֆինանսավորվել առանձին նախագծեր ու ծրագրեր, ինչի արդյունքում, որոշ գերատեսչություններ թերացել

էին բյուջեի կատարման հարցում: Ֆինանսա-բյուջետային կոմիտեի նախագահ Դավիթ Օնոփիշվիլու առաջարկությամբ, ներկայացված հաշվետվությունն ի գիտություն ընդունվեց:



Էին բյուջեի կատարման հարցում: Ֆինանսա-բյուջետային կոմիտեի նախագահ Դավիթ Օնոփիշվիլու առաջարկությամբ, ներկայացված հաշվետվությունն ի գիտություն ընդունվեց:



ՎԱՐՉԱՊԵՏԻ ՊԱՇՏՈՆԱԿԱՆ ԱՅՑԸ ԷՄԻՐԱԹՆԵՐ

Սեպտեմբերի 16-ից Վրաստանի վարչապետ Իրակլի Դարիբաշվիլին երկօրյա պաշտոնական այցով գտնվում էր Արաբական Միացյալ Էմիրաթներում: Այցի շրջանակներում, վարչապետը եւ նրա զխապորած պատվիրակության անդամները հանդիպում ունեցան թագաժառանգ շեյխ Մուհամեդ Բեն Չայիդ Ալ Նախախանի, վարչապետ Մուհամեդ Բին Ռաշիդ Ալ Մաքթումիի հետ: Վարչապետը հանդիպում ունեցավ նաեւ ԱՄԷ-ի առևտրաարդյունաբերական պալատի ներկայացուցիչների հետ:

ԹԲԻԼԻՍԻ ՍԱԿՐԵՐՈՒԼՈՆ ՀԱՍՏԱՏԵՑ ԲՅՈՒՋԵԻ ՓՈՓՈԽՈՒԹՅՈՒՆՆԵՐԸ

Թբիլիսիի սակրեբուլոն հավանություն տվեց մայրաքաղաքի 2014 թվականի բյուջեի փոփոխությանը:

Քաղաքային բյուջեի փոփոխությունը սակրեբուլոյի անդամներին ներկայացրին Թբիլիսիի փոխքաղաքապետեր Ալեքսանդր Մարգիշվիլին եւ Գիորգի Խելախան: Քննարկմանը մասնակցեցին քաղաքային ծառայությունների ղեկավարները:

Նշենք, որ Թբիլիսիի 2014 թվականի բյուջեն կազմում է 785 միլիոն լարի:

ՄԻՋՈՒԿԱՅԻՆ ԲԺՇԿՈՒԹՅԱՆ ԿԵՆՏՐՈՆ ԹԲԻԼԻՍԻՈՒՄ

Թբիլիսիում բացվեց Անդրկովկասում առաջին Միջուկային բժշկության կենտրոնը: Այդ մասին հայտնել են երկրի խոշորագույն «Ավերսի» դեղագործական ընկերության մասնուլի ծառայությունում:

«Ավերսի կլինիկայի Միջուկային բժշկության կենտրոնը միակն է ամբողջ Անդրկովկասում, որը հանդերձված է ժամանակակից տեխնիկայով եւ համալրված է բարձր որակավորում ունեցող բուժանձնակազմով, որոնք աշխատել են արտասահմանյան առաջատար կլինիկաներում»,- հայտնել են ընկերությունում:

Կենտրոնն առաջարկում է այստորոշման եւ բուժման ամբողջական ծառայություն: Միջուկային բժշկության կենտրոնը գտնվում է Դազբեգի փողոցում, ինֆեկցիոն հիվանդանոցի նախկին տարածքում:

ԱՎԵԼՈՐԴ ԳՐԹԵՐԸ՝ ԳՐԱՂԱՐԱՆՆԵՐԻՆ

Համայն Վրաստանի Կաթողիկոս-Պատրիարք Իլիա Երկրորդը իր օրհնությունը հղեց «Շարժական գրադարան» գործողության կազմակերպիչներին եւ նրանց հանձնեց գրքեր: Վերոնշյալ նախագծի նշանակության մասին Պատրիարքը հիշատակեց նաեւ իր կիրակնօրյա պատարագում՝ հավատացյալներին հիշեցնելով կրթության կարևորությունն ու գիտելիքների անհրաժեշտությունը: Վրաց Ուղղափառ եկեղեցու ղեկավարը հասարակայնությանը կոչ արեց պաշտպանել նախագիծը եւ «Շարժական գրադարանին» փոխանցել գրքեր: Ինքը՝ Իլիա Երկրորդը, գրադարանին հանձնեց «Աստվածաշունչ», «Սաղմոսներ» եւ «Մեծ գործեր» գրքերը:

ՀՐԴԵՂ՝ ԱՅՄԳԵՍ ԿՈՉՎԱԾ ԳՆՉՈՒԿԱԿԱՆ ՏՈՆԱԿԱՃԱՌՈՒՄ

22 հրշեջ բրիգադ է մասնակցել հրդեհի մարմանը, որը սեպտեմբերի 16-ի լուսաբացին բռնկվել է Թբիլիսիի կենտրոնում՝ Ծինամաձվի շրջանի փողոցում գտնվող «Գնչուական շուկայում»:

Այրվել է մեծ շուկա, որի տարածքը հասնում է 2,5 հազար քառակուսի մետրի: Այնտեղ վաճառվում էին տարատեսակ ապրանքներ՝ սկսած մարզակռիկներից մինչև հագուստ եւ ուրիշ այլ իրեր:

Ներկայումս հրդեհը մարված է, պատահարի վայրում աշխատում են համապատասխան ծառայությունները՝ պարզելու բռնկման պատճառը:

ՖԻՆԱՆՍՆԵՐ

ՀԱՐԿԱՅԻՆ ՕՐԵՆՍԱԳՐՔԻ ՓՈՓՈԽՈՒԹՅՈՒՆՆԵՐԸ ՆԵՐԿԱՅԱՑՎԵՑԻՆ ԽՈՐՀՐԴԱՐԱՆԻՆ

Վրաստանի խորհրդարանին է ներկայացվել երկրի հարկային օրենսգրքի փոփոխությունների ծրագրը, որը նախատեսում է գործարարության աջակցության եւ խթանման, ինչպես նաեւ գրոսաշրջության ներուժի ուժեղացման, երկրում մրցունակ միջավայրի ստեղծման կարևոր մեխանիզմներ:

Օրենսդրական նոր նախաձեռնությունը մշակել է ֆինանսների նախարարությունը, եւ այն ուղղված է տուգանքների ու պատժամիջոցների հետագա ազատականացման համար արդարացի եւ արդյունավետ վարչարարության համար անհրաժեշտ իրավական բազայի ստեղծմանը:

Օրինանախագծի մշակմանը ներգրավվել էր բիզնես հատվածը, եւ շատ առաջարկություններ ներկայացվել են նրա կողմից:

Ինչպես նշեցին ֆինանսների նախարարությունում, սույն

փոփոխությունն ուղղված է տեղական արտադրության զարգացման աջակցությանը եւ ձեռնարկությունների ղեկավարներին թույլ կտա տնտեսել միջոցներ գործարարության զարգացման գործում ներդրումներ կատարելու համար:

Փոփոխությունների համաձայն, դուրսգրման են ենթակա մինչև 2005 թվականի հունվարի 1-ը ծագած եւ չվճարված հարկային պարտքերը, եթե հաջորդած ժամանակահատվածում չի վավերացվել հարկատուի ակտիվությունը:

տիվությունը: Կվերացվեն նաեւ տույժերը, որոնք ծագել են մինչև 2009 թվականի հունվարի 1-ը ծագած պարտքերի կապակցությամբ՝ ճանաչված պարտքի վճարման պայմանով, եթե հաջորդ ժամանակահատվածում չի վավերացվել հարկատուի ակտիվությունը:

«Առանձնակի նշանակալից է այն, որ, փոփոխությունների համաձայն, դուրս կգրվեն մինչև 2013 թվականի հունվարի 1-ը վերահսկիչ գանձատան սարքերի օգտագործման կանոնների խախտման համար ֆիզիկական անձանց դուրս գրված եւ չվճարված տուգանքները, ինչը նշանակալի արտոնություն կլինի մեր ձեռներեցների համար»,- հայտարարեցին Վրաստանի ֆինանսների նախարարությունում:

մանսների նախարարությունում:

Փոփոխությունները նախատեսում են նաեւ մեկ տարով հարկային պարտքի վճարման հետաձգում՝ առանց ապահովման միջոցների ներկայացման, բոլոր նրանց համար, ում հարկային պարտքը չի գերազանցում 5 հազար լարին, որի արդյունքում, փոքր բիզնեսը կկարողանա շարունակել եւ զարգացնել իր գործունեությունը: Փոփոխությունները նաեւ դուրս գրում են զբոսաշրջության հաստատությունների հարկային պարտավորությունների կատարման մեխանիզմները, ինչը կնպաստի հյուրանոցային բիզնեսի զարգացմանը երկրի զբոսաշրջության ներուժի ուժեղացմանը:

ՏՐԿՈՒՄ Է 154 ՄԻԼԻՈՆ ԴՈՒԼԱՐԻ ՎԱՐԿ

Արժույթի միջազգային հիմնադրամը հաստատել է Վրաստանի էկոնոմիկայի զարգացման համար 154 միլիոն դոլարի վարկ տրամադրելու որոշումը: Վարկը Վրաստանին տրվում է երեք տարի ժամկետով, եւ 62

միլիոն դոլարի չափով առաջին տրանշից երկիրը կարող է օգտվել անմիջականորեն:

Վարկային ծրագիրն ուղղված է Վրաստանի արտադրության պաշարների ուժեղացման եւ տնտեսական բարդություններ

րի հաղթահարման համար, որոնք երկրում բավականին ազդեցիկ են եւ չեն կարգավորվել մինչ այդ, 2012-2013 թվականներին վարկային ծրագրի շրջանակներում տրված 386 միլիոն դոլարի վարկով:

30 ՄԻԼԻՈՆ ԴՈՒԼԱՐ՝ ՀԱՄԱՇԽԱՐՀԱՅԻՆ ԲԱՆԿԻՑ

Վրաստանի կառավարությունը եւ Համաշխարհային բանկը ձեւակերպել են համաձայնագիր 25-ամյա արտոնյալ վարկի

տեսքով 30 միլիոն դոլարի հատկացման վերաբերյալ, որը ուղղվելու է «մուսիցիկալային եւ տարածաշրջանային ենթակա-

ռույցների զարգացման երկրորդ նախագծին»: Փաստաթուղթը ստորագրել են Վրաստանի ֆինանսների նախարար Նոդար

Խաղոբին եւ Հարավային Կովկասում Համաշխարհային տարածաշրջանային տնօրեն Հենրի Քերալը:

ԷԿՈՆՈՄԻԿԱ

ՄՐՅԱԿՅՈՒԹՅԱՆ ԳՈՐԾԱԿԱԼՈՒԹՅՈՒՆԸ ԿԳՈՐԾԻ ՀՈԿՏԵՄԲԵՐԻ 1-ԻՅ

Վրաստանում մրցակցության գործակալության հիմնումը ավարտվել էր ընթացիկ տարվա ապրիլի 14-ին, թեպետ դրա ակտիվ գործարկումը ձգձգվեց գործակալության գործունեության համար անհրաժեշտ իրավական մի շարք ակտերի ընդունման կապակցությամբ:

Ենթադրվում է, որ հոկտեմբերի 1-ի համար դրանք լրիվությամբ կհաստատվեն, ինչը գործակալությանը թույլ կտա սկսել լիարժեք աշխատանքը: Մասնավորապես, խոսքը վերաբերում է այն իրավական ակտերին, որոնք կապված են շուկայի ուսում-

նասիրության, բողոքների ընդունման ընթացակարգի, դրանց քննարկմանն ու արձագանքմանը:

Այս փաստաթղթերի նախագծերը միջազգային համագործակցության գերմանական գործակալության աջակցությամբ

մշակվել էին արտասահմանյան եւ տեղի փորձագետների կողմից: Ներկա դրությամբ, դրանք համաձայնեցվում են Վրաստանի էկոնոմիկայի նախարարության, Եվրամիության եւ Համաշխարհային բանկի փորձագետների ու Վրաստանի խորհրդարանի ճյուղային էկոնոմիկայի կոմիտեի հետ:

Նշենք, որ Վրաստանի կառավարությունը վերոնշյալ գործակալության բոլոր նորմերը հաստատել էր դեռեւս սեպտեմբերի 1-ին:

ՏՆՏԵՍԱԿԱՆ ԿՊՊԵՐ

ԱՎԵԼԱՑԵԼ Է ՎՐԱՍՏԱՆԻՑ ՄԵՔԵՆԱՆԵՐԻ ՆԵՐԿՐՈՒՄԸ



Հայաստանն ամենամեծ շուկան է դարձել Վրաստանի ավտոարտահանողների համար՝ առաջ անցնելով հարեւան Ադրբեջանից: 2014 թվականի առաջին կեսի տվյալներով, Վրաստանից Հայաստան է արտահանվել 13 հազար 16 մեքենա՝ 71 մլն 147 հազար 400 դոլար ընդհանուր արժողությամբ: Դեպի Հայաստան մեքենաների արտահանումն ավելացել է 45 տոկոսով:

րահման: Այս տարի Վրաստանը նշանակալի կորուստներ է ունեցել ադրբեջանական շուկայում: Չնայած Հայաստան վերարտահանվող մեքենաների ծավալի մեծացմանը, վրացի վերավաճառողներն, ամենայն հավանականությամբ, կարող են կորուստներ ունենալ

նաեւ հայաստանյան շուկայում Եվրասիական տնտեսական միությանը 2015 թվականին միանալուց հետո:

«Մեքենա վերավաճառող մոտ 200 ընկերություն եւ անհատ Վրաստանում առաջիկայում լուրջ կորուստներ կունենան: Նրանք, ովքեր կախված են միայն հա-

յաստանյան շուկայից, կարող են որոշակի խնդիրների առաջ կանգնել»,- մեկնաբանել է մեքենաների շուկայի վերլուծաբան Շավկա Օգբայան:

Նշվում է, որ մեքենաների ներմուծման 70 տոկոսն այսօր Հայաստանում կազմում են Վրաստանից բերված մեքենաները:

ՀԱՐՑԱԶԻՐՈՒՅՑ

# ԻԼԻԱ ԶԻՇԿԱՐԻԱՆԻ. «ԵՄ ԶԵՐ ՄԱՐԴՆ ԵՄ ԹԲԻԼԻՍԻ ՍԱԿՐԵՐՈՒԼՈՅՈՒՄ»

Թբիլիսիի Իսանի-Սամգրոյի շրջանից Թբիլիսիի սակրեբուլոյի մեծամասնական պատգամավոր Իլիա Զիշկարիանու ընդունարանը միշտ բազմամարդ է: Շատերը նախօրոք են հերթագրվում պատգամավորի հետ հանդիպման համար: Հարցերը, որով նրանք դիմում են իրենց ընտրյալին, տարբեր բնույթի են՝ սկսած սոցիալական անպաշտպանի կարգավիճակի ձեւակերպումից եւ վերջացած կոմունալ ծախսերի հետաձգման խնդրանքով: Պատգամավորն ուշադրությամբ լսում է բոլորին, ապա վերջում հեռախոսափողը եւ դիմում գործընկերներին՝ հարցնում է, հստակեցնում, պայմանավորվում... Գրեթե միշտ, դիմորդները պատգամավորի առանձնասենյակից հեռանում են բավարարված, վստահ, որ իրենց անհանգստացնող հիմնախնդիրը ամտեսության չի մատնվի:

Նրանցից մեկին՝ Մանվել Սահակյանին, հանդիպեցինք պատգամավորի առանձնասենյակից դուրս գալիս եւ մեր հարցին, թե այստեղ ո՞ւմ են հանդիպեց, պատասխանեց. «Իլիայի՝ սակրեբուլոյում մեր մարդու հետ»:

- Բատուն Իլիա, հենց նոր Ձեր համայնքներից մեկը ձեզ անվանեց «մեր մարդը Թբիլիսիի սակրեբուլոյում»: Ինչպե՞ս եք ընդունում նման գնահատականը:

- Ավելի քան դրական: Ես, իրոք մեր շրջանի բոլոր բնակիչների մարդն եմ Թբիլիսիի սակրեբուլոյում: Այլ կերպ չի կարող լինել:

- Սակրեբուլոյում Դուք երկու կոմիտեների՝ էկոնոմիկայի եւ քաղաքային ծրագրավորման կոմիտեների անդամ եք: Մի քանի խոսք՝ այդ կոմիտեներում Ձեր գործունեության մասին:

- Միանգամից ասեմ, որ երկու կոմիտեներում էլ մեծ ծավալի աշխատանք է իրականացվում, քանի որ, ինչպես մայրաքաղաքի Իսանի-Սամգրոյի շրջանում, այնպես էլ ողջ երկրում այդ առումով հիմնախնդիրները բավականին շատ են: Դեռեւս պատգամավորության թեկնածու լինելու ժամանակ ես եղա շրջանի գրեթե բոլոր թաղամասերում, մասնավորապես, անձամբ հանդիպում ունեցա Հավաքարի եւ Մետրոշինարարների բնակիչների հետ: Ի միջիայլոց, բավականությամբ ցանկանում եմ մշել, որ նրանց թվում շատ էին ձեր թերթի ընթերցողները: Հանդիպմանը մարդկանց հետ խոսեցիք նրանց անհանգստացնող հիմնախնդիրների մասին, խոստացա հնարավորինս դրանք կարգավորել: Ցավալի փաստ է, սակայն այդ թաղամասերում շատ են կիսավեր տներն ու ճանապարհները, գրեթե լրիվությամբ շարքից դուրս են եկել ջրատարները:



- Քաջ հայտնի է, որ գործազրկությունը երկրի, հետեւաբար՝ նաեւ մայրաքաղաքի ամենացավազին հիմնախնդիրն է: Դուք՝ որպես սակրեբուլոյի համապատասխան հանձնաժողովի անդամ, ի՞նչ կասեիք մայրաքաղաքի արտադրական կարողությունների գործարկման վերաբերյալ:

- Էկոնոմիկայի հանձնաժողովում հիմնականում քննարկում ենք այն ծրագրերը, որը ուղղված է միջին եւ փոքր գործարարության զարգացմանը: Իմ խորին հանգամանք, դա այն կարելու համար որ, որի շնորհիվ, հնարավոր կլինի որոշակիորեն լուծել գործազրկության հիմնախնդիրը:

Վերցնենք թեկուզ մեր Իսանի-Սամգրոյի շրջանը: Այստեղ բավականին շատ են մասնավոր արտադրությունները, որոնք աշխատանքով ապահովում են հարյուրավոր մարդկանց: Հարկ է մշակել նման ձեռներեցների ֆինանսական աջակցության, վարկավորման ճկուն համակարգի, հարկային բեռի նվազեցման եւ այլ նախագծեր:

Մեր շրջանում մի շարք դպրոցներ վերանորոգման կարիք ունեն, պետք է հիմնել մշակութային հաստատություններ, մարզական եւ ժամանցի հրապարակներ, բացել մասնաշառուղիներ: Ծրագրում ենք բացել մունիցիպալային լողավազաններ, քանի որ մասնավոր լողավազաններում սակագները բավականին բարձր են, եւ բոլորի համար չէ, որ դրանք մատչելի են:

- Թբիլիսիի սակրեբուլոյում Դուք ներկայացնում եք մայրաքաղաքի գրեթե ամենաբազմազգ շրջանը: Հավանաբար, դա որոշակիորեն անդրադառնում է նաեւ Ձեր աշխատանքի վրա:

- Բնականաբար, Իսանի-Սամգրոյի շրջանը, իրոք, կարելի է համարել ամենաբազմազգ Թբիլիսիում, ուստի առաջնահերթային նշանակություն է ստանում շրջանի տարածքի դպրոցներում հայկական եւ ռուսական բաժինների գործարկումը: Օրինակ, երբ ես սովորում էի դպրոցում, նման բաժիններ արդեն կային: Այսօր, ցավոք, դպրոցական շատ շենքեր փոխանցվել են մասնավոր սեփականություններին: Չեմ կարող ասել, թե դա ինչի հիման վրա է արվել:

Ինչպես գիտեք, Մետրոշինարարների թաղամասի թիվ 103 վրաց-հայկական

դպրոցն այսօրվա դրությամբ գրեթե հիմնովին ապամոնտաժվել է: Նախորդ իշխանության օրոք, այստեղ անցկացվել էր մասնակի վերանորոգում, թեպետ փորձագետների եզրակացությամբ շենքը վթարային վիճակում էր եւ շտապ կարգով ապամոնտաժում էր պահանջում: Ներկայումս այդ դպրոցի եւ վրացական, եւ հայկական բաժնի երեխաները ուսումնական տարին սկսեցին ուրիշ դպրոցում, թեպետ հուսով ենք, որ արդեն հաջորդ ուստարին նրանք կդիմավորեն հարագատ նորաշեն կրթօջախում:

- Ընթացիկ տարվա հունիսյան ընտրություններից հետո, Թբիլիսիի սակրեբուլոյում առաջատար դիրքերը գրավեցին կոալիցիայի ներկայացուցիչները: Ասացե՛ք, խնդրե՛մ, գործնական ի՞նչ հարաբերություններ են հաստատվել մայրաքաղաքի օրենսդիր եւ գործադիր մարմինների միջև:

- Տեղական ընտրություններից անմիջապես հետո, կարճ ժամանակամիջոցում սակրեբուլոն կարողացավ ձեւակերպել հանձնաժողովներն ու խմբակցությունները, հաստատեց մայրաքաղաքի կառավարության կազմը, քաղաքային ծառայությունների ղեկավարներին: Մենք ակտիվորեն համագործակցում ենք իրար հետ: Օրինակ, Թբիլիսիի քաղաքապետ Դավիթ Նարմանիան հաճախ է ընդգծում, որ սակրեբուլոյի անդամները պետք է մշտական կապ ունենան քաղաքային ծառայությունների հետ, քանի որ պատգամավորներն առավել տեղեկացված են այն հիմնախնդիրների մասին, որոնք անհանգստացնում են շարքային քաղաքացիներին, եւ հենց պատգամավորներն իրենք պետք է իշխանությունների առջեւ բարձրացնեն այդ հարցը:

- Ձեր ընտրողներից մեկը, ինչպես ասացի, Ձեզ կոչեց «մեր մարդը սակրեբուլոյում»: Որպես ժողովրդի ընտրյալ՝ ո՞րն եք համարում Ձեր գործունեության կրեդոն:

- Ես իրականում իմ ընտրողների մարդն եմ սակրեբուլոյում եւ, դրանից ելնելով, գտնում եմ, որ ժողովրդի ընտրյալ պատգամավորի գործունեության գլխավոր սկզբունքը պետք է լինի հետեւողականությունը: Հարկ է հստակեցնել գլխավոր առաջնահերթությունները եւ հետեւողականորեն հասնել դրանց կարգավորմանը: Գուցե ծիծաղելի թվա, սակայն ասեմ, որ երբեմն անտեսվում է գուտ տարրական սկզբունքը: Օրինակ, փողոցն ասֆալտապատելուց առաջ, հարկ է փոխել հաղորդակցական համակարգը, ջրատարները, կոյուղին, եւ միայն դրանից հետո կարելի է իրականացնել ասֆալտապատումը, հակառակ դեպքում, վթարները կստիպեն նոր ասֆալտի շերտը քանդել: Ցավոք, դա մայրաքաղաքի նախկին իշխանության գործելածն էր, որը միայն ընտրությունների նախօրեին փորձում էր արագացված տեմպերով իրականացնել նման աշխատանքները, այն հաշվով, որ հավաքեք քաղաքական միավորներ: Ծախսերը մեծ էին, արդյունքը՝ նվազագույն: Մեր գործունեության սկզբունքն այն է, ցանկացած գործ պետք է արվի որակով եւ մարդկանց ծառայի երկար ժամանակ:

ՅՈՒՐԻ ԽՈՐԵՆՅԱՆ  
Լուսանկարը՝ ՎԱԼԵՐԻ ԳՈՒՆԱՆՅԱՆՑԻ

## ՄԵԿՆԱՐԿԵՑ ՆՈՐ ՈՒՍՈՒՄՆԱԿԱՆ ՏԱՐԻՆ

### ԿՐԹՕՉԱԽՆԵՐԸ ՆՈՐ ՈՒՍԱՐԻՆ ՍԿՍԵՅԻՆ ԿԱԶՄ ՈՒ ՊԱՏՐԱՍ

Սեպտեմբերի 15-ին Վրաստանում մեկնարկել է նոր 2014-2015 ուսումնական տարին: Իսկ ամեն մի նոր ուստարի իր հետ նոր փոփոխություններ է բերում ու նորանոր հնարավորություններ բացում դպրոցների ու բուհերի առջեւ, քանզի մեր երկրի առաջնահերթություններից է կրթության համակարգը, եւ կրթության ու գիտության նախարարությունը ջանադարձաբար շարունակում է իրագործել նորանոր նախագծեր, որոնց նպատակն է արդիականացնել համակարգը, էլ՝ ավելի բարձրացնել ուսման որակը:

Ընթացիկ տարվա նորույթներից է այն, որ երկարել է ուսումնական տարվա տեւողությունը եւ հավասարվել միջազգային չափանիշներին, երկրորդ օտար լեզվի ուսուցումը սկսվում է 5-ից դասարանից, 7-րդի փոխարեն: Շարունակվում են աշակերտներին անվճար դասագրքերով եւ առաջին դասարանցիներին անհատական նորորակ համակարգիչներով ապահովելու ծրագրերը:

(Շարունակությունը՝ 5-րդ էջում)

## ՆԱԽԱԿՐԹԱՐԱՆՈՒՄ ՄԵԿՆԱՐԿԵՅ ՆՈՐ ՈՒՍՈՒՄՆԱԿԱՆ ՏԱՐԻՆ

2014 թվականի սեպտեմբերի 9-ին, Վիրահայոց թեմի «Սուրբ Մովսես Խորենացի» նախակրթարանում մեկնարկեց 2014-2015 ուստարին:



Շուրջ 50 հայ մանուկներ իրենց ծնողների հետ հավաքվեցին Թբիլիսիի Սուրբ Էջմիածին եկեղեցու բակում՝ առավոտյան ժամերգությանը մասնակցելու եւ Հոգեւոր հոր օրհնությունն ստանալու: Փոքրիկներին դիմավորեցին եւ եկեղեցի առաջնորդեցին նախակրթարանի ուսուցչական կազմը եւ «Հայարտան» աշխատակիցները:

Թբիլիսիի Սուրբ Էջմիածին եկեղեցու հոգեւոր հովիվ Տեր Սամվել քահանայապետը, Տերունական աղոթքից հետո, իր օրհնության խոսքում շնորհավորեց երեխաներին նոր ուստարվա առթիվ:

«Սուրբ Մովսես Խորենացի» նախակրթարանն ընդամենը չորս տարվա պատմություն ունի: Այն ստեղծվել է Վիրահայոց թեմի առաջնորդ Տեր Վազգեն եպիսկոպոս Միրզախանյանի նախաձեռնությամբ: Նախակրթարանի ղեկավար է վզեցնյա Մարկոսյանի խոսքերով, թե առաջին տարում իր գործունեությունը նախակրթարանն սկսել է ընդամենը յոթ երեխայով, ապա այսօր արդեն նորեկների թիվը հասել է 27-ի, եւ ակնկալիք կա, որ այդ թիվը կավելանա: Անցած չորս տարիների ընթացքում նախակրթարանը շուրջ 25 երեխայի է ուղղորդել Թբիլիսիի հայկական հանրային դպրոցներ:

## ՕՏԱՐԵՐԿՐԱՑԻՆԵՐՆ ԱԶԱՏԿԵՑԻՆ ԴՊՐՈՑՆԵՐՈՒՄ ՈՒՍՄԱՆ ՎԱՐՁԻՑ

Վրաստանի Սահմանադրական դատարանը որոշում է ընդունել օտարերկրացիներին ազատել երկրի դպրոցներում ուսուցման համար անհրաժեշտ վաուչերի ստացման համար որոշակի գումար մուծելու պարտավորությունից: Այսպիսով, նոր ուսումնական տարում շուրջ 400 աշակերտներ, ովքեր սովորում են Վրաստանի հանրակրթական դպրոցներում, հետախոս չեն վճարի այսպես կոչված, «խտրական» գումարը:

Նշենք, որ համապատասխան հայտով Սահմանադրական դատարանին դիմել էր ոչ կառավարական «Վրաստանի երիտասարդ իրավաբանների ասոցիացիա» կազմակերպությունը, որը ներկայացնում էր Ռուսաստանի եւ Հայաստանի քաղաքացի վեց օտարերկրյա աշակերտների շահերը:

Հիշեցնենք, որ վաուչերը պետության կողմից աշակերտին տրված ֆինանսական փաստաթուղթն է, որը կարող է ներկայացվել ինչպես նյութական, այնպես էլ ոչ նյութական տարբերակով, եւ որը նախատեսված է աշակերտի ընդհանուր կրթության ֆինանսավորման համար: Ընթացիկ ծախսերը մարելուց հետո, մնացած գումարը դպրոցը կարող էր օգտագործել շենքի կապիտալ ծախսերը մարելու համար:

Պետության կողմից աշակերտներին տրվող վաուչերի գումարը կախված է դպրոցում սովորող աշակերտների թվաքանակից: